


Bybel vir Kinders

bied aan



Dawid die Koning (Deel 1)



Geskryf deur: Edward Hughes

Ge-illustreer: Lazarus

Vertaal deur: Yvonne Kriel

Aangepas deur: Ruth Klassen

Storie 20 van 60

www.M1914.org

Bible for Children, PO Box 3, Winnipeg, MB R3C 2G1 Canada

Lisensie: U het die reg om hierdie stories te kopieër en te druk maar u mag dit nie verkoop nie.

Afrikaans


Jong Dawid was aan die vlug. Koning Saul wou hom dood maak. Dawid het in die veld in 'n groot grot gewoon saam met vier honderd volgelinge.



Partykeer het Koning Saul se soldate hulle amper gekry maar Dawid het aanhou trek.



Saul se slaaf, Doëg het aan die koning vertel die priesters het Dawid help ontsnap. Saul het beveel dat hulle doodgemaak moet word, maar net Doëg was bereid om dit te doen! Hy het vyf en tagtig priesters en jul families wreed vermoor met sy swaard. Dit was baie sleg.




3

Een dag het Saul jag gemaak op Dawid en reg in die grot ingeloopt waar Dawid en sy mansskappe weg gekruip het. Saul was alleen!



4

In die grot kon Dawid maklik vir Saul gedood het.



In plaas daarvan het hy nader gekruip en 'n stuk van Saul se mantel afgesny met sy mes.

5


Saul het verder gegaan maar Dawid het hom geroep en gesê "Ek het 'n stuk van u kleed afgesny en



u nie gedood nie net om te wys dat ek geen kwaad of oortreding teen u voer nie ..."

6

Saul het aan Dawid gesê hy is jammer dat hy hom wou dood maak. Gou was sy woede terug en hy het drie duisend man aangesê om Dawid te dood. Een nag terwyl die manskappe geslaap het het Dawid en Abisai, een van sy soldate, in die koning se kamp ingegaan waar Saul geslaap het.



7

"God het jou vyand in jou hand gegee vandag," fluister Abisai. "Laat my hom in een slag teen die grond vassteek, sonder om dit 'n tweede keer te doen."



8



Dawid het geweier. Hy het Saul se spies en beker geneem en die kamp verlaat. Dawid het op 'n koppie 'n entjie weg gestaan en Saul geroep.

9



Saul het gesien dat Dawid hom weereens kon doodmaak maar het nie. Weereens het Saul gesê hy is jammer oor hy Dawid wil dood maak. Dawid het geweet hy kan Saul nie vertrou nie.

10



Teen hierdie tyd was Samuel al dood. Hy was die profeet wat God aangesê het om eerste vir Saul en toe vir Dawid te in te sien as koning van Israel. Die Fillistyne het Israel aangeval en Saul het iets verskriklik gedoen, iets wat God verbied.

11



Hy het 'n vrou gevra om Samuel op te roep van die dode. Die nag toe kry Saul 'n boodskap.

12



"... Die HERE het jou verlaat en jou vyand geword ... die HERE het jou koninkryk van jou weggeruk en aan jou buurman Dawid gegee. Môre sal jy en jou seuns by My wees. Die HERE sal ook die manskappe van Israel in die hand van die Fillistyne gee." Saul het van vrees inmekaar gestort.

13



Die Fillistyne het teen Israel geveg en die manskappe van Israel het gevlug. Die Fillistyne het Saul se seuns gedood, selfs Jonathan, Dawid se goeie vriend.

14

Saul was ernstig gewond deur die boogskutters. Hy het aan sy wapendraer gesê, "Trek jou swaard en steek my daarmee dood dat daardie heidene nie kom en my doodsteek en in oneer laat sterf nie." Sy wapendraer wou dit nie doen nie, want hy was bevrees. Saul het sy swaard geneem en daarin geval.



15

Die Filistyne het die liggeme van Saul en sy seuns gekry en dit teen die muur van 'n Israelitiese stad vas gespyker. Brawe Israelitiese soldate het die liggeme gaan afhaal en dit verbrand voor hulle die oorskot begrawe het in Israel.



16

Dawid het die verskriklike nuus gehoor en getreur en geween en gevas tot die aand vir Saul, Jonathan en die mense van die HERE wat gedood is deur die swaard.



17

Al het Saul probeer om Dawid dood te maak het Dawid hom nog steeds gerespekteer want hy was 'n gesalfde van God. God het Dawid vereer deur hom koning te maak in Saul se plek.



18

Dawid die Koning (Deel 1)

'n Storie uit God se woord, die Bybel,

soos gevind in

1 Samuel 24-31; 2 Samuel 1-2

"Die lees van die Woord gee lig."
Psalms 119:130

God weet ons het lelike dinge gedoen, Hy noem dit sonde. Die straf vir sonde is die dood.

God het ons so lief gehad dat hy Sy Enigste seun, Jesus, gestuur het om aan 'n kruis te sterf om vir ons sondes te betaal. Jesus het lewendig geword en Hemel toe gegaan! Sodat God ons ons sondes kan vergewe.

As jy nou jou sondes vergewe wil he, se die volgende aan God: Liewe Jesus, ek glo dat U vir my gesterf het en weer opgestaan het. Kom asseblief in my lewe in en vergewe my my sondes, sodat ek 'n nuwe lewe kan he, en eendag vir ewig saam met U kan lewe. Help my om vir U te lewe en U kind te kan wees. Amen. Johannes 3:16

Lees die Bybel en praat met God elke dag!